



**OQALUUSERISASSAT ATAATSIMINNEQ I
KOMMUNALBESTYRELSI AVANNAATA KOMMUNIA
27. FEBRUAR 2018 Nal. 10:00**

Palle Jerimiassen, Borgmesteri (S)
Ane Lone Bagger (S)
Sakio Fleischer (S)
Ane Marie M. Andersen (S)
Jens Imanuelsen, (S)
Apollo Mathiassen (S)
Jakob Petersen (S)
Jørgen Kristensen (S)
Masauna Holm Petersen (S)
Aqqalu Clasen Jerimiassen (A)
Karl Markussen (A)
Aqqaluk Heilmann (A)
Anthon Frederiksen (PN)
Ole Danielsen (PN)
Bendt B. Kristiansen (IA)
Regine N. Bidstrup (IA)
Lena Ravn Davidsen (D)

Ataatsimiinnermi aqutsisoq: Palle Jerimiassen

Ataatsimiinnermi peqataanngitsut: Anthon Frederiksdén

Sinniisussaq peqataasoq: Edvard Geisler

Imaqarniliortoq: Sivso Dorph

Ataatsimiinnermi atorfillit peqataatit: Bea Mølgård Lennert, Hans Eriksen, Aviaaja Madssen, Nick Nielsén

Ingerlanneqarfia: Oqarasuaatikkut

	Qulequtaq	Ilann
	Ilisimatitsissutit	000
01-2018	Avannaata Kommuniani aqautsinermtut ileqqoreqqusap allanngortinneqarnissaata siullermeerneqarnera	001
02-2018	Avannaata Kommuniani allaffissornikkut aqqissuussaananik nalimmassaaneq	002
03-2018	Siunnersuisoqatigiinnut, Isumalioqatigiisitanut, aningaasaateqarfinnut, siulersuisunut il.il. ilaasortassanik toqqaaneq.	003
04-2018	Takstbladinut ilassutissatut siunnersuutit	004
05-2018	AIS 2019 pillugu Namminersorlutik Oqartussanut qinnuteqaatit	
06-2018	Ilulissat ineriartortinnissaannut isumassarsiatut pilersaarussiaq	006
07-2018	Kommunalbestyrelsep 2018-imi ataatsimiiffissaasa inissititernerit	007
08-2018	Ilulissani Najukkami Ataatsimiititaliami ilaasortannngortut akuersissutigineqarnerat	Soq.
09-2018	Ummannami Najukkami Ataatsimiititaliami ilaasortannngortut akuersissutigineqarnerat	Soq.
	Apeqquteqaataasimasunut akissutit	

Aaliangerneq:

Akuerineqarput

Ilisimatitsissutit**Qulequtaq | KNTK Carsten Olsenimik ataatsimeeqateqarneq**

Januaarimi Timersoqatigiit Kattuffianniit Carsten Olsen ataatsimeeqatigineqarpoq. Carsten Olsenip saqqummiuppaa Maajimi Avannaata Kommuniani timersorneq pillugu isumasioqatigiisitsiniarlutik, tamannalu kommunitisinnit tamanit peqataaffigineqassasoq.

Qulequtaq | MIO-mik ataatsimeeqateqarneq

Meeqqat Illersuisuat Aviåja Egede Lyngø januarimi ataatsimeeqatigineqarpoq. Saqqummiuppaa ukioq manna Qaanaamut Kullorsuarmullu misissuiartorniarlutik. Meeqqat Illersuisuat Avannaata kommunianik suleqatiserinnippoq tapersersoqatigiissinnaanerlu kajumissaarutigalugu.

Qulequtaq | Politikkikkut Ataqtigiiissaarisut ataatsimeeqatigiinnerat

Januarip naajartornerani Politikkikkut ataqtigiiissaarisut Ilulissani ataatsimeeqatigiippat qulequtaralugu inunnik isumaginneq.

Ataatsimiinnermi pingaarnertut eqqartorneqarsimasut saqqummiunneqassapput

Qulequtaq | OPP Aningaasaqarnermut pisoraqarfimmi pisortanik ataatsimeeqateqarneq

Aningaasaqarfimmut pisoraqarfimmi pisortat Nikolai Christensen kiisalu Peter Hansen ataatsimeeqatigineqarput, tassani eqqartorneqarlutik OPP-mik aningaasaleeriaaseq nunatsinni periarfissatut qanoq atornerqarsinnaanera.

Qulequtaq | Ilulissani illoqarfimmi ataatsimiititaliaq

Innuttaasuniuk ataatsimiititsinerup kingunerisaanik najukkami ataatsimiititaliamik pilersitsisoqarpoq. Soqtiginninneq annertuvoq isumalluarnarlunilu

Qulequtaq | Uummannami illoqarfimmi ataatsimiititaliaq

Innuttaasunik ataatsimiititsinermut atatillugu najukkami ataatsimiititaliamik pilersitsisoqarpoq. Ataatsimiititaliamut ilaasortangornissaq kajumerineqarluarpoq

Qulequtaq | Nunat Avannarliit killiit takornariaqarneq pillugu isumasioqatigiinnerat

Nunat Avannarliit Killiit takornariaqarneq pillugu Ilulissani isumasioqatigiisitsippat. Isumasioqatigiinnermut atatillugu Sermermiuni unnussuaartitsisoqarpoq Nunat Avannarliit Killiit nerisassaataannik misiliffiusumik.

Qulequtaq | Nunat issittormiut siunnersuisoqatigiivisa Ilulissani maajimi ataatsimiinnissaat

Namminersorlutik Oqartussat malitassanut ileqqulersuutissanullu atorfilittaannik tikeraarneqarpugut upernaaru maajimi Nunat Issittumiittut Siunnersuisoqatigiivisa Ilulissani isumaqatigiisuttip ukiunik qulinngortorsiornissaanut atatillugu malunnartitsinissaq pillugu. Ilaatigut ilaassapput USAp nunanut allanut ministeria kiisalu russit nunanut allanut ministeriat.

Qulequtaq | 5.-9. februar Frederikssundimut, Køgemut Københavnimullu paasisassarsiorneq

.Ukiup naajartulernerani borgmesteriusimasumit saqqummiiffigineqarpugut Ilulissat illoqarfittut alliertortinnissaanut pilersaarummik. Pilersaarutit pineqartut annertunerusumik paasisaqarfiginarlutit Danmarkimut paasisassarsiortoqarpoq.

Qulequtaq | Chresten Sørfensenimik ataatsimeeqateqarneq

Aningaasaqarnermut ilisimatoq kiisalu ilaatigut nunatsinni angallanneq pillugu isumalioqatigiisitanut ilaasortaasimasoq Chresten Sørfensen ataatsimeeqatigineqarpoq mittarfittaassap kingunerisinnaasai mpillugit.

Qulequtaq | Simon Friese Eriksenimik ataatsimeeqateqarneq

Ilulissat illoqarfiata kusassarnissaanut neqerooruteqartoq Simon Friese Eriksen ataatsimeeqatigineqarpoq periarfiusinnaasunik takutitsiviusumik. Simon eqqumiitsuliortunik suleqateqarluni Ilulissat illoqarfiata kusassarnissaanut 150-200 mio koruuninik atuisinnaanissaq naatsorsuutigaa.

Qulequtaq | Jørgen Nielsenimik ataatsimeeqateqarneq

.Hotel Icefiordimik piginnittup hoteli pillugu alliliinissamut pilersaarumminik saqqummiiffigaatigut aammattaq Diskolinep angallataataasa taliffissaaruttarnerat eqqartorneqarluni.

Qulequtaq | Inatsisit tunngaviusussat pillugit ataatsimiititaliamik ataatsimeeqateqarneq

Inatsisit tunngaviusussat pillugit ataatsimiititaliaq Ilulissani ataatsimiippoq. Ataatsimiititaliap kissaataa malillugu najukkami ataatsimiititaliaqarneq pillugu misilittalkkanik saqqummiiffigineqarput.

Qulequtaq | ICC-p siulittaasuani ataatsimeeqateqarneq

ICC siulittaasuata Hjalmar Dahlip assigiinngitsunik saqqummiivigaatigut. Eqqartorneqartut Ukuupput: Píkialasorsuaq pillugu nalunaarusiaq massakut saqqummersimalerpoq. Píkialasorsuarmut suleqatigiissinnaaneq pillugu isummat annissorneqarput.

ICCp ataatsimeersuarznissaanut Barrowmi pisussami borgmester qaaqquneqarpoq. Tassunga tunngatillugu siulittaasup 2022mi ICCp ataatsimeersuarnissaa nunatsinni pisussaq saqaqummiuppaa, tassanilu Ilulissat periarfissaalluarnissaanut eqqaallugu. Taamaattoqassappat piareersarnissamut neqerooruteqarnissamullu upernaap tungaanut ulapputissaasooq.

Avannaata kommunia ICC-mut ilaasortaataitaqartussaavoq. Ilaasortaatitassak sumingaanneernissaa Avannaata Kommuniata nammineerluni aalajangertussaavaa.

Qulequtaq | Inatsisit tunngaviusussat pillugit ataatsimiititaliamik ataatsimeeqateqarneq

Ataatsimiititaliap pineqartup kiisalu Avannaata Kommuniata usleqatigiinnissamut isumaqatigiissusiorput.

Qulequtaq | Allorfik pillugu ataatsimeeqateqarneq

Allorfikmi aqutsisut Ilulissaniippat illutassarsiorlutit kiisalu aasaru juulip aallaqqaataani aallartinnissaanut piareersaasiorlutik.

Qulequtaq | Kangersuatsiami tunisassiorfiliinissaq

Kangersuatsiami umiarsuarmik tunitsiviliinissaq taparserneqarpoq tamanna najukkami inuussutissarsiuutigut qaffasaanissamut isigineqarmat

Qulequtaq | Aningaasaqarnermut killiffik

Ullumikkumut killiffik ilisimatitsissutigineqassaaq

Qulequtaq | Apeqquteqaatit ingerlariaasissaat

Piffissami kingullermi kommunalbestyrelsimi ilaasortat allakkatigut apeqquteqaatinik saqqummiisarput periusissaq pillugu borgmesteri ilisimatitsisooq.

Aalajangiineq:

Suliaasimasut annertuut tusaatissatut tiguneqarput. Naqinnerliukkat toornerliukkallu iluarsineqartariaqarput.

Suliaq nr.	001-2018	Tapiliussaq nr.	001	Journal nr.	
Qulequtaq	Aqutsinermut ileqqoreqqusap allangortinneqarnissaata siullermeerneqarnera				

Eqikkaaneq:

Kommunalbestyrelsi kommunimi ataatsimiititaliat taaguutaasa akisussaaffigisaasalu nalimmassaqinneqarnerisigut allangortinneqarnissaanik siunniussaartoqarnera tunngalugit aqutsinermut ileqqoreqqusap allangortinneqarnissaanik politikkikkut siunniussaartoqarnera pissutigalugu kingusinnerpaamik 13. marts 2018 atuutilertussamik siunnersuuteqartoqarpoq.

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq naapertorlugu kommunalbestyrelse aqutsinermi ileqqoreqqusaliortussaavoq. Taamaattumillu ileqqoreqqusami atuuttumi aalajangersarneqarsimasunik allanguisoqartussanngormat allangortitsisuusussamik siunnersuusiortoqarpoq.

Allanguiniarnermi ataatsimiititaliat taaguutaasa ilaatigullu aamma akisussaaffilerneqarsimanerisa allangortinneqarnissaat siunertaavoq.

Kommunit aqunneqarnerannut inatsimmi kapitali 4 naapertorlugu, aningaasaqarnermut ataatsimiititaliamik pilersitsisoqassaaq aamma ataatsimiititalianik pilersitsisoqarsinnaavoq. Ataatsimiititaliat allat pilersinneqarsinnaapput kommunalbestyrelsini pioreersuni periusaasoq malillugu, inatsisartut inatsisaat kommunemi aqutsinermi peqqussutit tamatumunnga atuuttut naapertorlugit.

Aqutsinermut ileqqoreqqusaliat allangortinnissaannut piumasaqaataavoq ataatsimiinnerit tullerit marluk atorneqassasut minnerpaamik ullunik 14-ninik akunnilerlugit. Suliap siullermeerneranni siunnersuut piviusunngortinniarneqassanngilaq aappassaanneerneqarnissaanullu ingerlateqqinneqassaaq aalajangiiffigisussanngortillugu.

Allattoqarfimmi ataatsimiititaliat Ikaarsaariarnermut Ataatsimiititaliap atuutilernermini pilersissimasaasa maanna taaguutaasa akisussaaffigisaasalu aaqqissuuteqqinneqarnerani taaguutaalersussasut kissaatit ilisimaneqalereernikuupput. Taanna aqutsinermut ileqqoreqqusassap inaarsarnissaanut suliarinerani pingaarnertut sinaakkutaavoq.

Aningaasatigut kingunissai:

Inaarutaasumik aqutsinermut ileqqoreqqusap akuerineqarpat aningaasatigut kinguneqartitsissoqassanngilaq.

Inatsit tunngavigisaq:

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Inassuteqaat:

Allattoqarfimmiit Kommunalbestyrelsemut inassuteqaatigineqarpoq aqutsinermut ileqqoreqqusassasut siunnersuut, uani ataatsimiinnermi siullermeerneqarnerani akuerineqarluni suliarineqassasoq, taamaalilluni kingusinnerpaamik 13. marts 2018 aappassaanneerneqartussanngorlugu.

Aalajangiineq:

Akuersissutigineqarput

Suliaq nr.	002-2018	Tapiliussaq nr.	002	Journal nr.	
Qulequtaq	Avannaata Kommuniata allaffissornikkut aaqqissuussaananeramik nalimmassaaneq				

Uteqqiineq:

Ikaarsaariarnermut Ataatsimiititaliap Avannaata Kommuniani allaffissornikkut aaqqissuussaananermik 24. August 2017 akuersinerata malitsigisaanik 1. Januar 2018 atuutilersitsinerup kingorna aaqqissuussaananikkut nalimmassaasoqarnissaa pisariaqartinneqartoq paasinarsivoq.

Nalimmassaasoqarnissaanik pisariaqartitsisoqarnera paasinarsivoq, Ikaarsaariarnermut Ataatsimiititaliap 2018-imut missingersuusiordermini, Avannaata Kommuniani anguniarneqartussatut siunniussai piviusunngortinniarneqassappata sulisoqarnissamik pisariaqartitsineq allannguivigineqartariaqalermat.

Suliap saqqummiunneqarnera:

Taamaattumik maanna Avannaata Kommuniata allaffissornikkut aaqqissuussaanerata politikikkut siunniunneqartunut naapertuussarneqarluni nalimmassarneqarnissaa siunnersuutigineqarpoq.

Qaasuitsup Kommuniata avinnissaanut suliagarnermi, sulisunut tunngatillugu Avannaata Kommunianit Kommune Qeqertalimmiillu isumaqatigiissutigineqartoq qullersaqarfimmi sulisuusut 143-usut kommuninut marlunngortussanut avinneqassasut imaallillugit:

- Avannaata Kommunia 82-it
- Kommune Qeqertalik 61-it

Avannaata Kommuniata Ilulissani qullersaqarfiani atorfiit katillugit 82-iussaangaluartut aningaasaleeqittoqarneratigut aammalu anguniarneqartussatut kissaatigineqartut naammassiniarneqarnissaat tunngavigalugu qullersaqarfimmi atorfiit 97,5 pisariaqartinneqartut paasinarsivoq, taamaattumillu aaqqissuussaanerup nalimmassarneqarnissaa pisariaqartinneqarluni.

Taamaallilluni aaqqissuussaanerme Ingerlatsiviit ataanni sulisuusussat 97,5 ima agguataarneqarput:

- Borgmesterip allaffia: 4
- Ataatsimoorussanut Sullisivik: 53
- Teknikkikkut Ingerlatsivik: 20
- Inuussutissarsiordermut Ingerlatsivik: 6 (12)
- Ilaqutareeqarnermut Ingerlatsivik: 7½
- Peroriartortitsinermit Ingerlatsivik: 7

Aaqqissuussaanermit allannguutissatut siunniunneqartut maluginiagassat makkuupput:

Borgmesterip allaffiani:

- Atorfik nutaaq 1 illoqarfiup ineriartortinneqarneranut ataqatigiissarisooq.
- Atorfik nutaaq 1 tusagassisartoq / aviisiliortoq pilersinneqassaaq.

Ataatsimoorussanut Sullissivimmi:

- Allattoqarfimmi pisortatut atorfik atorunnaarsinneqarpoq. Taarsiullugu sulisooreersut akornanni ingerlatsinerme immikkoortortami aqutsisoqalissalluni.
- Allattoqarfimmi inatsisilerituutut atorfik atorunnaarsinneqarpoq. Taarsiullugu pisariaqartitsilerfimmi avataanit ikiorteqartarnissaaq siunniunneqarluni.
- Aningaasaqarnermut immikkoortortami Aningaasaqarnermut Aqutsisutut atorfik nutaaq pilersinneqassaaq.
- Nuutitsisarfik: Sulisut nutaat 2-t.
- Sulisoqarnermut immikkoortortaqarfik:
 - Atorfik nutaaq 1 Suliffigissaasoq (Arbejdsmiljøkonsulent) pilersinneqassaaq.
- Pilersaarusiordermut immikkortortami atorfiit marluk TF-imut nuunneqarput.
- Meeqqanut inuusuttunullu immikkut suliniummi siunnersortitut atorfik atorunnaarsinneqarpoq.
- Immikkoortortaqarfik nutaaq: IT Attaveqatigiinnerlu pilersinneqassaaq.
 - Atorfik nutaaq 1 IT-mut Attaveqatigiinnermullu aqutsisoq pilersinneqassaaq.
 - Atorfik Kommunikationsmedarbejder Allattoqarfimmiit nuunneqassaaq.
- Immikkoortortaqarfik nutaaq: Peqqinneq Sunngiffillu pilersinneqassaaq.

Tassani KUF/SOC-imiit immikkoortortat, Piorsarsimassuseq, Sunngiffik Pinaveersaartitsinerlu ataatsimuulersinneqarnissaat siunniunneqarluni nuunneqassapput. Aamma siunertaavoq suliassaqarfimmi maannamut akisussaaffigineqarlutik ingerlanneqarsimasat tamakkerlugit ilaatillugit ataatsimuulersitsineq piviusunngortinniarneqassasooq. Taamaattoq ilanngussami maluginiarneqassaaq aaqqissuussanerme atorfilittat isumaqatigiissutigut inissisimanerat arlaatigut unamminaateqaratarsinnaammat aammalu kommunimut aningasartuutitaqaratarsinnaalluni. Akisussaaffigineqartut makuupput:

 - Sunngiffimmi sammisassaqartitsineq.
 - Piorsarsimassutsikkut pikialaartitsisarnerit.
 - Sunngiffimi atuartitsineq.
 - Sunngiffimmi ornittakkat – ullukut unnukkullu.
 - Pinaveersaartitsineq.
 - Atorfik nutaaq 1 Ataqatigiissarisooq pilersinneqassaaq.

- Sulisoq 1 KUF-imiit nooqataassaaq.
- Illoqarfinni tamani sulisulersussat ataatsimoorlutik allaffeqatigiisilerneqarnissaat siunertaavoq.
- Illoqarfinni tamani atungassarititaasut iluini allaffimmioqalersinnaanera misissuiffigineqassaaq.
- Illoqarfinni innuttaasunik sullissivinni allannguutissatut siunnersuutit:
 - Ilulissat:
 - Illoqarfimmi teknikkeqarfik qullersaqarfiup ataanut inissinneqarpoq.
 - Qullersaqarfiup ataanut inissiinermi Sullissivimmi TF-ip ataani atorfiit piusimasut inuttaqanngitsulli 2-t Sullissivimmi pisariaqartinneqartunut allanut matussusiissutigineqassapput:
 - Sullissivimmi sullissisoq 1
 - Inuussutissarsiornermut immikkoortortami inuussutissarsiornermut siunnersorti 1
 - Uummannaq:
 - Atorfik nutaaq 1 Ajunaarnersuarmut ataqatigiissaarisooq pilersinneqassaaq.
 - Atorfik killilimmik ukioq ataaseq atorfeqarfigineqassaaq
 - Fagforvaltningimi eqqaavinnut anartarfinnillu akiligassaliortarnermik sulisuusimasut 3-t suliassanik allanik suliaqartinneqalissapput.
 - Suliassaqarfik illoqarfinnut utertinneqassaaq.
 - Upernavik:
 - Inuussutissarsiornermut immikkoortortami atorfik nutaaq 1
 - Ilulisanii TF-imik qullersaqarfiup ataanut inissiinermi Sullissivimmi TF-ip ataani atorfiit piusimasunit inuttaqanngitsoq 1 Upernavimmi Sullissivimmi pisariaqartinneqartunut matussusiissutigineqassaaq.

Teknikkikkut Ingerlatsivimmi:

- Aningaasaleeqqittoqarneratigut atorfiit nutaat 10-t pilersinneqarput, taakkunannga atorfinitsinerit nutaatut 8-iussallutik, sinneri 2-t Qaasutsup Kommuniani atorfeqarsimasunit inuttalerneqarput.

Ilaqutareeqarnermut Ingerlatsivimmi:

- Atorfik nutaaq supervisor pilersinneqarpoq – inatsimmi piomasaaqataasoq naapertorlugu.
- Atorfik nutaaq Angerlarsimaffiup avataanut inissiisarnermut siunnersorti pilersinneqarpoq, Namminersorlutik Oqartussallu avitseqatigiilluni akissaasersorneqartussaaq.

Peroriartortitsinermut Ingerlatsivimmi:

- Kontorfuldmægtigit atorfik immikkoortortaqaqarfimmut nutaassamut ”Peqqinneq Sunngiffillu” nuutinneqartussatut siunniunneqarpoq.
- Kontorfuldmægtigit atorfik illoqarfimmi innuttaasunik sullissivimmi ulluunerani paaqqinnittarfinnut tunngasunik suliaqartussanngorlugu nuutinneqartussatut siunniunneqarpoq.

Taamaalilluni Avannaata Kommuniani aaqqissuusaanermik nalimmassaanermi innuttaasunik sullissinerup malunnaateqarluartumik pitsanngorsaavigineqarnissaa anguniarneqarpoq. Taamaattoq Kommunip nutaajusup pilersinneqarnera aatsaat timitalersorlugu aallartinneqarmat piffissami aggersumi nalimmassaaqqittoqarsinnaanera ilimasaarutigineqareersinnaavoq.

Inatsit tunngavigisaq:

Kommunit aqunneqarnerat pillugu Inatsisartut inatsisaat nr. 29, 17. November 2017-imeersoq.

Kingunissai:

Sulisut ilaasa siunniunneqaaqaarluartut inissisimanerint kinguneqassaaq. Tassa sulisut ilaat ingerlatsivinnut allanut nuuttussanngussallutik, aammalumi suliassanik allanik suliaqalertussaassallutik, nutaanillu aamma atorfinitsitsisoqarumarluni.

Aningaasatigut kingunissai:

Siunnersuutip aningaasatigut sunniuteqarnissaa annikinnerpaaffimminiissasoq anguniarneqaraluartoq aammalu sulisut avinnermi 82-t akissarsiassaannut missingersuutit kommunimut nutaamut nassarneqarnikuungaluartut aammalu Ikaarsaariarnermut Ataatsimiititaliaq TF-imut aningaasaleeqinnikuungaluartoq, ukioq manna aningaasatigut qulaajaaneq tikinneqarpat akissarsiassanut aningaasartuutaasussat malimmassarneqarnissaat naatsorsuutigineqassaaq.

Inassuteqaat:

Allattoqarfimmiit inassutigineqarpoq Avannaata Kommuniata allaffissornikkut aaqqissuusaaneramik

nalimmassaaneq Aningaasaqarnermut Ataatsimiititaliap taperserlugu, Kommunalbestyrelsemut ingerlateqqissagaa.

Ilangussat:

- Allaffissornikkut aaqqissuussaaneq nalmassarneqarnermini isikkussaatur siunnersuut.
- Sulisut allattorsimaffiat.
- Immikkoortortaqaqfimmur nutaassamut ”Peqqinneq Sunngiffillu” tunngasut paasisutissat.

Aningaasaqarnermut Ataatsimiititaliaq 20.02.2018 aalajangernera:

Siunnersuut akuersissutigineqarpoq.

Avannaata Kommuniata sulisunut toqqissisimasumik ingerlatsinissaq pingaartippaa.

Aalajangiineq:

Akersissutigineqarpoq.

Suliaq nr.	003-2018	Tapiliusaaq nr.	Soq.	Journal nr.	01.01.00
Qulequtaq	Siunnersuisoqatigiinnut, Isumalioqatigiisitannut, aningaasaateqarfinnut, siulersuisunut il.il. ilaasortassanik toqqaaneq.				

Uteqqiineq:

Kommunalbetyrelse aktieselskabinut, suliffeqarfinnut imminnut pigisutut taaneqartartunut, kommunip suliffeqarfiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ilaasortassanik toqqartuisussaavoq, kommunalbestyrelsip imaluunniit kommunip aallartitaatut peqataasartussanik. Ilaasortat amerlassussissaanut tunngassuteqartut, kommunalbestyrelse makkununga, aktieselskabinut, suliffeqarfinnut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ataasiakkaanut ilaasortassatut toqqartugassai pillugit takussutissiaq allattoqarfik siusinnerusukkut :suliarineqareernikuvoq.

Suliap saqqummiunneqarnera:

Kommunalbestyrelsi aktieselskabinut, suliffeqarfinnut imminnut pigisutut taaneqartartunut, kommunip suliffeqarfiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ilaasortassanik toqqartuisussaavoq, aqutsinermut inatsit § 31 naapertorlugu kommunalbestyrelsip imaluunniit kommunip aallartitaatut peqataasartussanik.

Taamaattumik Avannaata Kommunia ataani pineqartunut ilaasortassanik toqqartuisussaavoq.

1. Fondinut ataatsimiititalianut allanullu tunngatillugu:

Thulefondi	
Ateq	Parti
Ilaasortap sumingaanneersuunera/ sinniisussaq	
Kommunalbestyrelsimut ilaasortaq, sumiiffigisami. Innuttaasunut sullissivimmi aqutsisoq Sumiiffimmi allaffeqarfimmi aallartitaq Qitiusumik allaffeqarfimmeersoq Qitiusumik allaffeqarfimmeersoq 1. Masauna Petersen 2. Helle	
Marmorilik Fondi	
Ateq	Parti
Ilaasortap sumingaanneersuunera/ Sinniisussaq	
Kommunalbestyrelsimut ilaasortaq, sumiiffigisami. Innuttaasunut sullissivimmi aqutsisoq Sumiiffimmi allaffeqarfimmi aallartitaq	

Qitiusumik allaffeqarfimmeersoq
Qitiusumik allaffeqarfimmeersoq

Qinersinermut ataatsimiititaliaq

Ateq	Parti	Ilaasortap suminngaanneersuunera/ Sinniisussaq
		Borgmesteri Kommunalbestyrelsimut ilaasortaq Kommunalbestyrelsimut ilaasortaq Kommunalbestyrelsimut ilaasortaq Kommunalbestyrelsemut ilaasortaq

Upalungaarsimanissamut ataatsimiititaliaq

Ateq	Parti	Ilaasortap suminngaanneersuunera/ Sinniisussaq
		Kommunimi qatserisartut ittuat Kalaallit Nunaanni Politiit aallartitaat Kommunalbestyrelsimut ilaasortaq Kommunalbestyrelsimut ilaasortaq Kommunalbestyrelsimut ilaasortaq Kommunip teknikimut ingerlatsiviani atorfilik

ICC-mut ilaasortassamik toqqaaneq

Ateq	Parti	Ilaasortap suminngaanneersuunera/ Sinniisussaq
		Kommunip ICC-mut ilaasortaataitaa

SPS-ip siulersuisunut ilaasortassamik toqqaaneq

Ateq	Parti	Ilaasortap suminngaanneersuunera/ Sinniisussaq
		Kommunip SPS-ip siulersuisunut ilaasortaataitaa

Fondini, ataatsimiititaliani allanilu ilaasortassatut toqparneqartut Kommunalbestyrelsep qinigaaffiani atuutissapput, tassa ukiuni sisamani.

2. Siunnersuisooqatigiinnik pilersitsinissamut tunngatillugu:

Kommunalbestyrelsep aamma ilanngullugu aalajangersaavigissavaa Avannaata Kommuniani illoqarfinni tamani siunnersuisooqatigiinnik suliaasaqarfinnut ataatsimoortillugit eqikkarneqarsimasunik suliaqartussanik siunnersuisooqatigiinnik pilersitsisoqassanersoq ukunannga:

- Ilaqutareeqarnermut siunnersuisooqatigiit:
 - Meeqqat
 - Ilaqutariit
 - Utoqqaat
 - Innarluutillit
 - Upalungaarsimatitsineq
- Inuussutissarsionermut siunnersuisooqatigiit:
 - Pisuussutit uumassusillit
 - Suliffeqarneq / Sulisoqarneq
 - Inuussutissarsiorneq
 - Takornariaqarneq
- Teknikkimut siunnersuisooqatigiit:
 - Talittarfeqarneq
 - Angallanneq
 - Qimmeqarneq

taakkunani ilaasortaasussat ataatsimiititalianit sulerusissiorneqarnermut toqparneqassapput. Siunnersuisooqatigiinni ilaasortat Kommunalbestyrelsep qinigaaffigisaani atuuttassapput, tassa ukiuni sisamani.

3. Najukkami Ataatsimiititaliaq / Nunaqarfimmi Aqutsisut akisussaaffiligassaattut siunnersuutit:

Innuttaasut oqartussaaqataanerisa annertusarneqarnerannut atatillugu suliassa qarfiit ataani taaneqartut iluaneereersut ukununga tunngasut:

1. Atuisartunut pisisartunullu tunngasut
2. Timersornermut tunngasut
3. Kultureqarnermut tunngasut
4. Sunngiffimmut tunngasut
5. Pinaveersaartitsinermut tunngasut

siunnersuisooqatigiinnut akisussaaffiliutsinnagit Najukkami Ataatsimiititaliat Nunaqarfinnilu Aqutsisut akisussaaffiliutsinneqarnissaa aamma suliassa qarfiisa iluaneereemata taakkununga suliakkiutigineqarnissaa siunnersuutigineqarpoq.

Ataatsimiititaliat pillugit nassuiaatit:

Qinersinermut ataatsimiititaliaq pillugu nassuiaat:

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq.

§ 9. Qinersinermik siulersuisunut ilaasortaassapput borgmesteri aamma kommunalbestyrelsimut ilaasortat ikinnerpaamik pingasut kommunalbestyrelsimut qinerneqarsimasut. Qinersinermik siulersuisunut ilaasortat qinerneqassapput amerlassutsit imminnut naleqqinnerata kisitsisinnognera naapertorlugu, kommunit aqunneqarnerat pillugu Inatsisartut inatsisaanni aalajangersakkat naapertorlugit. Borgmesteri qinersinermik siulersuisunut siulittaasuusaaq.

§ 11. Inuit § 9, imm. 1 aamma § 10 naapertorlugit toqqarneqartut suliassinneqarnerminnut akuersinissamut pisusaapput. Imm. 2. Kommunalbestyrelsip inuit § 10 naapertorlugu toqqarneqartut qinersinerup ingerlanneqarneranut atatillugu suliqaarnerannut akissarsiaqartissavai. Akissarsiaqartitsisoqassaaq kommunit aqunneqarnerat pillugu Inatsisartut inatsisaanni aalajangersakkat malillugit.

Qinersinermut ataatsimiititaliami siulersuisuni ilaasortat ataasiakkaat kommunalbestyrelsimut qinigaaffimmi atuuttumit toqqarneqassapput. Borgmesteri qinersinermut ataatsimiititaliami siulittaasuusaaq. Qinersinermi ataatsimiititaliami siulertuisuni ilaasortassanik toqqaanermi kommunalbestyrelsimi ilaasortat amerlanerussuteqartut aalajangiinerat tunngavigalugit qinersinermi siulersuisuni ilaasortassat qassiunissaat aalajangiunneqassapput. Oqaasip "ikinnerpaamik atorneqarneratigut, kommunalbestyrelsi ilaasortat qassiunissaannik aalajangiinnaavoq, qinersinermili ataatsimiititaliami siulersuisuni ilaasortassat ikinaarlugit toqqartoqneqassanngillat. Kommunit aqunneqarnerannut Inatsisartut inatsisaanni §§ 35 aamma 37 naapertorlugit qinersineq naliginnaasumik ingerlanneqassaaq.

Qinersinermi ataatsimiititaliami siulersuisunut sinniisussamik toqqaasoqassanngilaq. Qinersinermut ataatsimiititaliami siulersuisunut ilaasortaq tunuarpat kommunalbestyrelsi qinersinermi ataatsimiititaliami siulersuisunut ilaasortassamik nutaamik toqqaassaaq, taamaaliortoqassaarlu kommunit aqunneqarnerat pilugu Inatsisartut inatsisaanni malittarisassat naapertorlugit.

Upalungaarsimanissamut ataatsimiititaliaq pillugu nassuiaat:

Inatsit tunngavigisaq: Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq.

Kommunit upalungaarsimanissamut ataatsimiititaliai

§ 5. Kommunalbestyrelsi kommunini tamani upalungaarsimanissamut ataatsimiititaliamik kommunimi atuuttussamik pilersitsissaaq.

Imm. 2. Kommunip upalungaarsimanissamut ataatsimiititaliaa, takuuk imm. 1, 6-inik ilaasorta qarpoq, taakkunanga 4-it kommunalbestyrelsimut toqqarneqassallutik. Taakkunanga 3-it kommunalbestyrelsimi

ilaasortaassapput, ilaasorta q ataaseq kommunip teknikkimut ingerlatsiviani atorfeqartuussaaq. Tamatuma saniatigut ataatsimiititaliami kommunip upalungaarsimanissamut pisortaatitaa ilaasortaassaaq aammalu ilaasorta q ataaseq Kalaallit Nunaanni Politimesterimit toqqarneqassaaq.

Atuisartut pisisartullu ataatsimiititaliaat pillugu nassuiaat:

Matumani immikkut malugeqquneqarpoq, Atuisartunut pisisarturtullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliaat pillugit Inatsisartut inatsisaat nr. 10, 13. november 1986-imeersoq atorunnaarsinneqarnikummat. Taamaattumik taakkununga ilaasortassanik toqqaasoqarsinnaanngilaq.

Illoqarfiit ilaanni ataatsimiititaliaat suliarfik sulii ingerlappaat suliarisartakkatillu aallutiinnarlugit, aammattaq innuttaasut/atuisartut tungaanniit sumiiffigisami atuisartut pisisartullu sinniisaannik peqarnissaaq ujartugarineqartartoq oqariatuutigineqartarpoq.

Taamaattorli Kommunalbestyrelse aalajangiisnaavoq atuisartut pisisartullu ataatsimiititaliannik pilersitsiniarluni, kisiannili inatsisitigut pisussaaffiligaallutik sulisussaannigitsunik. Taamaattumik allattoqarfimmiit inassutigineqarpoq atuisartut pisisartullu ataatsimiititaliaata suliarisimasai maanna Najukkami Ataatsimiititalianut pilersinneqartunut aamma tunniunneqassasut.

Inatsit tunngavigisaq:

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Kingunissai:

Avatangiisinut, sulisunut imaluunniit inassuteqaammut tunngatillugu allanik kingunerluuteqassanngitsooq naliliivigineqarpoq.

Aningaasatigut kingunissai:

Soqanngilaq.

Inassuteqaat:

Allattoqarfiup Kommunalbestyrelsemut aalajangiiffigisassat inassuteqaatigai uku:

1. Fondinut ataatsimiititalianu allanullu kikkut ilaasortaassanersut toqqassagai, tamatumani pineqarlutik kommunalbestyrelsip imaluunniit kommunip kikkut aningaasaateqarfinnut, peqatigiiffinnut, suliffeqarfinnut, ataatsimiititalianullu ilaasortassatut aallartitarissanerai.
2. Ataatsimiititaliaat nammineerlutik akisussaaffigisamik iluini siunnersuisooqatigiinnik pilersinneqartussatut siunnersuutigineqartunik sulerusissiorlutillu, pilersitsillutillu atuutilersitsissatut.
3. Najukkami Ataataatsimiititaliaat Nunaqarfinnilu Aqutsisut akisussaaffiliutsinneqarsimasat iluaneeerealuartunik ersarissaaqqinnikkut aamma akisussaaffilerneqassasut.

Ilangussat:

Soqanngilaq

Ikaarsaariarnermut Ataatsimiititaliap 29.11.2017 aalajangernera:

Oqaluuserineqarnissaa tunuartinneqarpoq.

Aalajangiineq:

Thulefondi: Borgmester Palle Jerimiassen
Kom. Bestimi milaasorta q Masauna Petersen
Inuussutissarsiutinut ataatsimiititaliami siulittaasoq Jørgen Kristensen
Immikkut ilisimasalik Jens danielsen
Siulittaasoq Hans Karlsen, Savissivik
Siulittaasoq Sara Nielsen, Siorapaluk/Qeqertaq
PÅisxortaaneq Sivso Dorph
Marmorilik Fondi: Malittarisassat nutarterneqarneri utaqqeqqaassapput
Qinersinermut ataatsimiititaliaq:
Palle Jerimiassen, Borgmesteri
Jakob Petersen, Siumut
Karl Markussen, Atassut

Ole Danielsen, Partii Naleraq

Bendt B Kristiansen. IA aamma D

Upalungaarsimanermut ataatsimiititaliaq:

Borgmesteri

Sakio Fleischer

Aqqaluk Heilmann

ICC-mut ilaasortassamik toqqaaneq:

Apollo Mathiassen

SPS-ip siulersuisuinit ilaasortassamik toqqaaneq:

Sivso Dorph

Siunnersuisoqatigiinnut pilersitsinissamut tunngatillugu:

Ilaasortassat ataatsimiititaliat ataasiakkaat akuersissutigissuaat.

Ummannami timersortarfissuup siulersuisuinit ilaasortassamik toqqaanissaq pissooq tullianik ataatsimiinnermi.

Suliaq nr.	04-2018	Tapiliussaq nr.	003	Journal nr.	
Qulequtaq	Takstbladimut ilassutissatut siunnersuutit				

Uteqqiineq:

Kommunip akigititai 2018-imoortut aaliangiiffigineqarneranni Utoqqaat angerlarsimaffimmut nerisassanik pajunneqartartut akiliutigisartagassaat ilanngutinngitsoorneqarsimapput.

Kommunip akiliutinut isertitariumaagassai aningaasaqarnermut missingersuusiormi aaliangersakkat akuersissutigineqarnikuupput, kisiannili isertitassanut akigititassat aaliangiiffigineqarnikuunngillat – tamanna allaffissornikkut aaqpinneqarusuppoq.

Suliap saqqummiunneqarnera:

Utoqqaat illuiniit illoqarfimmut pajuttakkat akiinut siunnersuutit (Illoqarfimmi nammineq angerlarsimaffimmini najungallit pajuttangaqarami)

- Kissartut anginerit kr. 35,-
- Kissartut mikinerit kr. 25,-
- Proteindrik 1 liter kr. 20,-
- Qallersukkat kilitaq ataaseq timusiaq/qaqortuliaq

Inatsit tunngavigineqartoq

Kommunini suliassaqrifiit aqqissuuteqqinneqarneqarnerata allanngortinneqarneranik Inatsisartut inatsisaat nr. 30, 28. november 2016-imeersoq.

Kingunissai

Ullumikkut ileqquusumit allannguisoqartussaannigilaq, ilanngunneqanngippatali aningaasatigut taakku amigaatigineqalertussaapput.

Aningaasatigut kingunissai:

Ilannguinneqanngippata amigartoorutaalissapput

Inassuteqaat:

Ataatsimiititaliamut inassutigineqarpoq innersuussut akuereqqullugu.

Ilanngussat:

Aalajangerneq:

Akuerissutigineqarput

Suliaq	05-2018	Tapiliusaaq nr.		Journal nr.	17.05.00
Qulequtaq	AIS 2019 pillugu Namminersorlutik Oqartussanut qinnuteqaatit				

Attaveqaatinut sanaartornermut avatangiisinullu ataatsimiititaliamit imatut suliarineqarpoq:

“Uteqqineq:

Sanaartugassanut kissaatit Namminersorlutik Oqartussanut ingerlateqqitassat ataatsimiititaliap pingaarnersiorlugit tulleriaatussaavai, suliniutit Namminersorlutik Oqartussanit kommunimiillu aningaasalersugaapput. Sanaartugassat 2019-imi ingerlanneqartussat, ukiup tulliaata missingersuusiorneqarneranut sunnuteqartarput.

Suliamik saqqummiussineq:

Kommuni nammineerluni sanaartugassanut missingersuuteqarpoq. Sanaartugassanut missingersuut kr. 80.0 mio.-it missaanniittunik aningaasaqarnikkut sinaakkuteqarpoq. Sanaartugassat tulliuuttut ukioq manna ingerlanneqassasut/aallartinneqassasut kommunip toqqarnikuuaa:

Konto	Oqaasertaliusaaq	Missingersuut 2018
70	Inissiat	18.079
71	Allaffissorneq	19.210
72	Teknikkimut tunngasut	4.599
73	Sulisoqarneq	0
74	Inunnik isumaginninnermut tunngasut	0
75	Kulturi atuartitsinerlu	31.820
76	Pilersuineramik ingerlassat	0
77	Sanaartorfigissaaneq	8.675
Katillugit	Sanaartornermut tunngasut	82.383

Suliniutinik suliarinninneq ingerlatsiviup maannakkut ingerlappaa, taamaalilluni sanaartornerit ukioq manna aallartinneqarsinnaaniassammata. Sanaartornermik suliniutit qanoq ingerlanerat pillugu ataatsimiititaliaq ingerlaavartumik ilisimatinneqartassaaq.

Namminersorlutik Oqartusat suleqatigalugit kommuni sanaartortitsimmat, erseqqissaatigissallugu aamma pingaartuuvooq. Suliniutit matumani tamakkiisuusumik ilaannakuusumilluunniit Namminersorlutik Oqartussanit aningaasalersuiffigineqarput. Sanaartornissamik suliniutinut tunngatillugu, 1. marts nallertinnagu kommuni Namminersorlutik Oqartussanut qinnuteqaateqartussaavoq. Sanaartugassanut tamanut aningaasaliisoqarnissaannik kommuni qinnuteqaateqarsinnaanngilaq, tamanna pillugu ataatsimiinnerup ingerlanerani ingerlatsivik ilitersuussissaaq. Sanaartorfigissaanermut atatillugu kommunit Nukissiorfinnut aningaasaliinissamik aamma

qinnuteqaateqarsinnaapput, tamannalu aamma 1. marts nallertinnagu pisussaavoq. Matumani sumi sanaartorfigissaasoqarnissaanut tunngatillugu ataatsimoortumik pilersaarummik kommunip saqqummiussinissaa pingaartuuvoq.

Utoqqaat isiginiarneqarput

Avannaata Kommuniata ukioq manna utoqqaat immikkut aallussiffiginiarpai, atugassarititaasut inissiallu eqqarsaatigalugit. Utoqqarpassuaqarpoq nammineq illuminni najugaqartunik. Tamanna pitsaasuunngilaq, tassami utoqqaat ilaat inissianik illersukkanik pisariaqartitsipput, immikkut ittumik pisariaqartitaminnut naleqqussarneqarsimasunik. Nammineerlutik illorisaat ullutsinnut naleqqutinngillat, tamannalu ulluinnarni inuunerisa pitsaassutsikkut apparneranik kinguneqarsinnaavoq. Taamaattumik Avannaata Kommuniata utoqqarnut inissianik illersukkanik sanaartornissamut Namminersorlutik Oqartussat peqataanissaat Avannaata Kommuniata kissaatigaa. Kommunip illoqarfiini tamani pisariaqartitsineq annertoorejussuuvoq. Inissianut illersukkanut aningaasartuutissat naatsorsuutiginearput kr. 12.000 mio.-it. Ilulissani utoqqaat illuat nutaanngitsuvoq aserfallassimallunilu, taamaattumik utoqqaat illussaannik nutaamik sanaartornissamut Namminersorlutik Oqartussat peqataanissaat Avannaata Kommuniata kissaatigaa. Maannakkut toqqaviusumi utoqqaat illussaataq nutaaq inissisimajumaartoq Kommunip takorloorpaa, taamaalilluni, utoqqaat illussaataq nutaaq sananeqassappat, toqqavimmut sanaartorfigissaanermullu aningaasartuutit siparneqarsinnaammata. Utoqqaat illuat piusooq isaterneqassaaq, sanaartornerullu ingerlanerani utoqqaat utaqqiisaasumik inissisimaffissaat kommunip isumagissavai. Ilulissani utoqqaat illussaannut nutaamut aningaasartuutissat naatsorsuutiginearput: kr. 40.000 mio.-it.

Inissianik mikinerusunik kissaateqarneq

Avannaata Kommuniata inissianik pisariaqartitsineq annertoorejussuuvoq. Inissianik mikinerusunik ataatsimik sinittarfilinnik ujartuineq angivoq – assersuutigalugu inuusuttunut inissiat assut ujartorneqarput. Matumunnga aallaaviusooq tassaavoq, Ummannami aamma Kullorsuarmi inuusuttut amerlasoorujussuunerat. Taamaattumik sumiiffinni taaneqartuni inuusuttunut inissianik sanaartornissamut Namminersorlutik Oqartussat peqataanissaat Avannaata Kommuniata kissaatigaa. Inissianut mikinerusunut aningaasartuutissat naatsorsuutiginearput katillugit: kr. 24.000,- mio.-it, imatut agguataarneqarsimasut kr. 12.000 mio.-it Ummannami aamma 12.000 mio.-it Kullorsuarmi.

Sanaartorfigissaaneq

Ilulissani illoqarfiup ilassutissaani nutaami sanaartorfigissaanermik kommunni ingerlataqarpoq. Kommuni kr. 25.0 mio.-it missaaniittunik sanaartorfigissaanermut missingersuuteqarpoq. Illoqarfiup ilassutissaanik tassannga pilersitsinermut atatillugu sanaartorfigissaanermut aningaasartutit aningaasalersorneqarnerannut Namminersorlutik Oqartussat peqataanissaat Avannaata Kommuniata kissaatigaa. Sanaartorfigissaanermut pilersaarummut tunngatillugu ilanngussaq ingerlatsivimmit innersuussutigineqassaaq.

Aningaasaqarnikkut kinguneqaatit:

Kissaatit siuliini allanneqartut, ukiup tullissaani missingersuutissamut sunniuteqartussaapput, ajuusaarnaraluartumilli suliniutit sorliit Namminersorlutik Oqartussat aningaasalersuuffigissaneraat, siumoortumik takorlooruminaappoq. Kissaatinut siuliini allanneqartunut tunngatillugu, 2019-imut aningaasanut inatsisissatut siunnersuut kommunip malinnaavigiumaarpaa. Kissaatit siuliini allanneqartut aningaasanut inatsisissatut siunnersuummut ilanngunneqassappata, suliniutit 2019-imut kommunip missingersuutaanut

ilanngunneqarumaarput. Kommunip missingersuusiorfigineqarnera ukiaru pisussaavoq.

Suliamik suliarinnineq:

Attaveqarnermut, Sanaartornermut Avatangiisinullu ataatsimiititaliaq.

Inassuteqaat:

Attaveqarnermut, Sanaartornermut Avatangiisinullu ataatsimiititaliamut ingerlatsiviup siunnersuutigissavaa:

Sanaartugassatut kissaatit siuliini allanneqartut, Namminersorlutik Oqartussanut ataatsimiititaliap nassiutissagai

Immikkoortoq suliareqqitassanngorlugu Aningaasaqarnermut ataatsimiititaliamut ataatsimiititaliap nassiutissagaa, tassa immikkoortoq aningaasaqarnikkut sunnieqarsinnaammat, matumani kommunip sanaartugassatut kissaatigisai Namminersorlutik Oqartussanit qanoq annertutigisumik tapiissuteqarsinnaanerat apeqqutaalluni

Atortussatut ilanngussat:

Ilanngussaq 004

Aalajangiineq:

Inassutingineqartut akuerineqarput, Nuussuarmi illup sullivanik nutaamik kissaatit qaavatingut kissateqartoqarpoq.

“

Aningaasaqarnermut ataatsimiititaliaq ima aalajangerpoq:

Aalajangerneq:

Akuereqarput. Pisariaqartitat pillugit naalakkersuisut tikillugit oqaloqatigiissutigineqarnissaat kissaatigineqarpoq.

Suliaq nr.006	Qulequtaq	Tapil. nr.004	006
UIAM 18-012	Ilulissat ineriartortinnissaanut isumassarsiatut pilersaarussiaq	Journal nr.	18.01.02

Uteqqiineq:

Qaasuitsup Kommunia Ilulissat illoqarfittut ineriartornissaanut pilersaarusiortitsilluni pilersaarutaareersutut mittarfiup tallilerneqarnissaanut atatillugu. Avataanit siunnersortit ikiorsiullugit isumassarsiatut pilersaarusiortoqarpoq, taanna nangillugu suliat ingerlateqqinneqarsinnaallutik, Pilersaarut siullertut ataatsimiititaliap aku-ereqqaassavaa kingornalu kommunalbestyrelsemit akuerineqassaaq isumassarsiorfittut tunngavilersuutissap ingerlateqqinneqarnissaanut.

Suliap saqqummiunneqarnera:

Pilersaarussiaq suliarineqassaaq pingaarnertut Ilulissat siunissami ineriartortinnissaanut atatillugu. Kujammut kajummullu kangimut sammivinni Ilulissat ungaluneqarpoq UNESCO-qarfiusumik. Isumassarsiatut pilersaarut suliarineqassaaq avannamut sammisumi ineriartortitsisumik tassunga ilaatillugu illoqarfik Nuuaarsummi Kangerluarsuullu tungaanut. Aammattaaq Oqaatsuni umiarsualiveqalernissaanik

pilersaarusiortoqassaaq Ilulissani umiarsualivittut pioreersoq oqilisaanniarlugu. Pilersaarusiameq qarsaasarsuutigineqareerput illoqarfiliorfissat nutaat, suliffeqarfiit, qitiusoqarfiit kiisalu nunatat sukisaarsaartarfiit soorlu tapiliussaq 1-mi takutitatu.

Isumassarsiorfittut pilersaarusiaq akuerineqarpat kingunerissavaa, tunngavilersuutit aallaavigalugit suleriaqqit-toqarnissaa illoqarfiup avannamut kanigumut sammisumik ineriartortinneqarnissaanut.

Suliap immikkoortuata aappaani suliatigut ilisimasat tigussaasut sumiiffimmilu ilisimariikkanik pissutsit qano-rinnerinik kattutsillugit sularineqalissapput. Aamma pissutsit ilisimangisat sillimaffigineqassapput pilersaarutip inernissaanut sunniuteqarsinnaasut. Mittarfimmu mikkiartornermi tinginermilu sammiveqarfiinik VVM-mik inaarutaasumik misissuiffigineqarneri kiisalu nipiliornikkut akornutaajumaartut misissuiffigineri suli ami-gaataapput. Misissuinerit taakku aalajangiisuussapput qanoq portutigisunik sumiiffiit taakku sammiviini sanaar-tortoqarsinnaanersoq, soorlutaaq aamma taakku aalajangiisuussasut Kangerluarsummi Nuuaarsummilu sanaar-tornikkut periarfissatigut.

Tamatuma kinguneraa, maanna isumassarsiorfittut pilersaarutiniittut ilaat allannguuteqareermata, tunngaviumillu isumassarsiami avannamut aamma avannamut kangimut ineriartortitsisoqassasoq aalajangiusimaneqarpoq.

Nassuiaat. VVM-mimik misissuineri ukunani sunniutit misissorneqartarput:

Inuit, uumasut naasullu.

Nunap naqqa, imeq, silaanaq silallu pissusaa.

Nunap pissarititai kulturikkullu kingornussat

Inatsisitigut tunngavilersuutit:

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Pilersaarusiorneq aamma nunaminertat atorneqartarnerat pillugit Inatsisartut inatsisaata allanngortinneqarneranik Inatsisartut inatsisissaat nr. 34, 9. december 2015 uunga Inatsisartut inatsisissaat nr. 17, 17. november 2010-imeersoq
- Qaasuitsup Kommuneanum pilersaarut 2014-2026 tapiliussat ilanngullugit

Kingunissai:

Siunnersuut akuerineqarpat isumassarsiatut pilersaarusiaq ingerlateqqinneqassaaq kommunalbestyrelsemu suliareqqitassanngortillugu. Tassanilu akuerineqassappat, pilersaarut suliareqqinneqalissaaq, taava ingerlatsivimmiit immikkoortup aappaa aallartisarneqassaaq Ilulissat ineriartortinnissaanut.

Aningaasatigut kingunissai:

Toqqaannartumik aningaasatigut kinguneqassanngilaq.

Suliamik ingerlatsisoq:

Attaveqaatinut, Sanaartornermut Avatangiisinullu Ataatsimiittitaliaq

Inassuteqaat:

Allattoqarfimmiit Attaveqaatinut, Sanaartornermut Avatangiisinullu Ataatsimiittitaliamu siunnersuutigineqarpoq

Ataatsimiittitaliap isumassarsiatut pilersaarusiaq akuerissangaa, aammalu pilersaarusiame tunngavisumik isumassarsiat sularineri nangingneqassasut.

Tapiliussatut atortussiat:

Tapiliussaq 006-01: Ilulissat ineriartortinnissaanu isumassarsiatut pilersaarusiaq

Aalajangiussaq:

Akuersaarneqarpoq. .

Suliaq nr.	07-2018	Tapiliussaq nr.	007	Journal nr.	
Qulequtaq	Kommunalbestyrelsep 2018-imi ataatsimiiffissaasa inissititneri				

Uteqqiineq:

Malittarisassat malillugit ukiumi nutaami ataatsimiiffiusussat ukiup aallartinnerani tamanut saqqummiunneqartartussaapput, taamaalilluni Ikaarsaariarnermut Ataatsimiititaliap 2017-imi ataatsimiinnerminni kingullerni Kommunlabestyrelsemi ullut 2018-imi ataatsimiiffissamisut eqqartoreersimasussaagaluarpai, tamannali pissuteqavissumik pinngitsoormat maanna ataatsimiinnermi siullermi ullut 2018-imi ataatsimiiffiusussat saqqummiunneqarput.

Suliap saqqummiunnera:

Kommunalbestyrelsep 2018-imut ataatsimiiffigisassani nammineerluni aalajangersaavigisussaavai, taamaakkaluartoq allattoqarfik ataatsimiiffissanik siunnersuuteqarluni saqqummiussaqrpoq.

Ullut ataatsimiiffiusussat ukiup ingerlanerani kommunip ingerlatitaanerani aningaasaqarnikkut pisussaaffiit nalequssarlugit siunnersuutigineqarput.

Inatsisitigut tunngavissat:

Kommunit aquneqarnerat pillugu Inatsisartut inatsisaat nr. 29, 17. november 2017-imeersoq.

Ataatsimiiffissat ullulerneqarsimasut saniatigut immikkut ittumik ataatsimiinneq ingerlanneqassappat tamanna suleriuseq naapertorlugu pisassooq; tassa immikkut ittumik ataatsimiinnissamut aggersaanermi siulittaasoq sapinngisamik ilaasortat ilisimatissavai suliassat suut ataatsimiissutaaniarnersut.

Inassuteqaat:

2018-imi Aningaasaqarnermut Ataatsimiititaliami ataatsimiiffiusussat akuerisassatut allattoqarfimmiit

inassutigineqarput ullut uku:

27-02-2018	Ataatsimiinneq naliginnaasoq
24-04-2018	Aningaasaqarnermut qulaajaaneq I
10-06-2018	Naapilluni missingersuutit pillugit isumasioqatigiinneq
11-06-2018	Naapilluni missingersuutit pillugit isumasioqatigiinneq
12-06-2018	Naapilluni ataatsimiinneq / 2019-imut missingersuutinut sinaakkusiussassat + 2017-imut Qaasuitsup Kommuniata missingersuutai
18-09-2018	2019-imut missingersuutit siullermeenera, aningaasaqarnermullu qulaajaaneq II
24-11-2018	Ilulissani naapilluni missingersuutit pillugit isumasioqatigiinneq
25-11-2018	Ilulissani naapilluni missingersuutit pillugit isumasioqatigiinneq
27-11-2018	Ilulissani naapilluni ataatsimiinneq / 2019-imut missingersuutit aappassaaneenera, aningaasaqarnermullu qulaajaaneq III

Kommunalbestyrelsep ilanngullugu aalajangissavaa junimi naapilluni ataatsimiinneq pisussaq sumi ingerlakkumanerlugu. Allattoqarfimmiilli maluginiaqquneqarpoq, siunnersuutaammat missingersuutit aappassaaneernissaannut atatillugu novemberimi Ilulissani naapilluni ataatsimiittoqassasoq.

Ilanngussat:

- 007 - Ullorsiut ilanngussartaalu

Aalangiineq:

Ataatsimiiffissat akuerineqarput. Juunimi ataatsimiinnissaq Ilimanami pissooq Ilimanarli ulikkaarpat, Uummannami ataatsimiinneq pissooq.

Suliaq nr.	08-2018	Tapiliussaq nr.	Soq.	Journal nr.	
Qulequtaq	Ilulissani Najukkami Ataatsimiititaliami qinersineri inernerisa akuerineqarnerat				

Uteqqiineq:

Avannaata Kommuniani Kommunalbestyrelsep siunniussaa malillugu Najukkami Ataatsimiititaliat pilersinneqartiterput.

Najukkami Ataatsimiititaliat suleriusaat naapertorlugu najukkami qinersisitsineri inernerusut nalunaarsorneqarneri Kommunalbestyrelsemiit akuerineqareerpata Najukkami Ataatsimiititaliamut qinigaasut inissitersinnaangortussaapput.

Suliap saqqummiunneqarnera:

Ilulissani Najukkami Ataatsimiititaliamut ulloq 30. januar 2018 innuttaasut 70-it missaanniittut ataatsimiisitsineri najuuttut qinersinerisigut ilaasortaasussat, kommunalbestyrelsemi ilaasortaasup, Ilulissat sinnerlugit qinigaasusup, saniatigut 4-t qinerneqarsimalermata, inernerusut Kommunalbestyrelsemut saqqummiunneqarsinnaalerput.

Ilulissani Najukkami Ataatsimiititaliami ilaasortassanik qinersineri qinerneqarnerpaallutik ilaasortangortut ukuupput:

Jens Ole Nathanielsen (11)

Brian Grønvold (9)

Jens Peter Rosbach (9)

Juaana Abelsen Petersen, naligiittoqarneratigut makitsinikkut ilaasortangortoq (8)

Ane Lone Bagger, Kommunalbestyrelsemi ilaasortaq, sumiiffimi qinigaq

Sinniisussatut qinerneqartut ukuupput:

Hans Johan Lennert (8)
 Lea Jensen (6)
 Marie Noahsen (3)
 Kristine Lennert (3)
 Ane Marie Geisler (3)
 Jess Petersen (3)
 Frederikke Cortzen (2)
 Lisa Marie Rasmussen (1)
 Kasper Larsen (1)
 Nuka Abel Lennert (0)

Inatsit tunngavigisag

Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq.

Kingunissai:

Innuttaasut sumiiffigisaminni namminerminnut tunngasuni oqartussaaqataanerulernerat.

Aningaasatigut kingunissai:

Najukkani Ataatsimiititaliani ilaasortat aammalu aningaasanik aqutassaannik Kommunalbestyrelsep aningaasaliinermigut aalajangersaavigereernikuuaa, taamaattumik allanik aningaasartuuteqartoqarnissaa naatsorsuutigineqarpoq.

Inassuteqaat:

Allattoqarfimmiit Ilulissani Najukkami Ataatsimiititaliamut qinersinermi inernerut nalunaarsorneqarnerit Kommunalbestyrelsemit akuerineqarnissaat inassutigineqarpoq.

Ilangussat:

- Soqanngilaq.

Aalajangerneq:

Akuerineqarput. Sulilluarnissaanik kissaanneqarput

Suliaq nr.	09-2018	Tapiliussaq nr.	Soq.	Journal nr.
Qulequtaq	Ummannami Najukkami Ataatsimiititaliami qinersinermi inernerisa akuerineqarnerat			

Uteqqineq:

Avannaata Kommuniani Kommunalbestyrelsep siunniussaa malillugu Najukkami Ataatsimiititaliat pilersinneqartiterput.

Avannaata Kommuniani Najukkami Ataatsimiititaliat suleriusaat naapertorlugu najukkami qinersisitsinermi inernerusut nalunaarsorneqarneri Kommunalbestyrelsemit akuerineqareerpata Najukkami Ataatsimiititaliamut qinigaasut inissitersinnaangortussaapput.

Suliap saqqummiunneqarnera:

Ummannami Najukkami Ataatsimiititaliamut ulloq 1. februar 2018 innuttaasut 70-it missaanniittut ataatsimiisitsinermi najuuttut qinersinerisigut ilaasortaasussat, kommunalbestyrelsemit ilaasortaasup, Ummannaq sinnerlugu qinigaasusup, saniatigut 4-t qinerneqarsimalermata, inernerusut Kommunalbestyrelsemit saqqummiunneqarsinnaalerput.

Ummannami Najukkami Ataatsimiititaliami ilaasortassanik qinersinermi qinerneqarnerpaallutik ilaasortangortut ukuupput:

Ann Andreassen (18)
 Mikael Lange (10)
 Sabine Fleischer (9)
 Elisabeth Nielsen (8)
 Sakio Fleischer, Kommunalbestyrelsemit ilaasortaq, sumiiffimmi qinigaq

Sinniisussatut qinerneqartut ukuupput:

Inuutersuaq Ulloriaq Løvstrøm (6)
Jakobine Markussen (5)
Jakob Kruse (3)
Amos Thorin (2)
Peter Kruse (1)

Inatsit tunngavigisaq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.

Kingunissai:

Innuttaasut sumiiffigisaminni namminerminnut tunngasuni oqartussaaqataanerulernerat.

Aningaasatigut kingunissai:

Najukkani Ataatsimiititaliani ilaasortat aammalu aningaasanik aqutassaannik Kommunalbestyrelsep aningaasaliinermigut aalajangersaavigereernikuuaa, taamaattumik allanik aningaasartuuteqartoqarnissaa naatsorsuutigineqarpoq.

Inassuteqaat:

Allattoqarfimmii Uummannami Najukkami Ataatsimiititaliamut qinersinermi inernerut nalunaarsorneqarnerit Kommunalbestyrelsemit akuerineqarnissaat inassutigineqarpoq.

Ilangussat:

- Soqanngilaq.

Aalajangerneq:

Akuerineqarput. Sulilluarnissaannik kissaanneqarlutik.

Ataatsimiinneq naavoq

Atsiornerit:

Palle Jerimiassen, Siulittaasoq (S)

Ane Lone Bagger (S)

Sakio Fleischer (S)

Ane Marie M. Andersen (S)

Jens Imanuelson, (S)

Apollo Mathiassen (S)

Jakob Petersen (S)

Jørgen Kristensen (S)

Masauna Holm Petersen (S)

Aqqalu Clasen Jerimiassen (A)

Karl Markussen (A)

Pualuna Kivioq (A)

Anthon Frederiksen (PN)

Ole Danielsen (PN)

Bendt B. Kristiansen (IA)

Regine N. Bidstrup (IA)

Lena Ravn Davidsen (D)
